



O'zbekiston adabiyoti va san'ati

ЎЗБЕКИСТОН АДАБИЁТИ ВА САЊЪАТИ Haftalik gazeta 1956-yil 4-yanvardan chiqqan boshlagan e-mail: info@uzas.uz 2015-yil 6-mart №10 (4305)

АЁЛ ГЎЗАЛ — ТИРИКЛИК ГЎЗАЛ!

8 март — Халқаро хотин-қизлар кунин

Кўнгилларда Наврўз саболлари уйғониб, ҳаётга муҳаббат йўғрилган баҳорнинг илк кунларида муҳтарам оналаримиз, меҳрибон она-сингилларимизнинг байрами нишонланади. Шодона кунларда нурафшон кундузларни узайтириб бораётган кўшга монанд аёл чехрасида жилланган табассум ҳам мунаввар ёғду таратиб, оламни янада нурафшон этади.

Меҳр айёми

Қалбимизга меҳр, вафо-садоқат, жасорат, орзу бахш этувчи гўзаллик айёми билан табиатга тароват бахш этган баҳорда ажиб бир муштараклик мужжасам. Ҳа, ҳар йили 8-март — Халқаро хотин-қизлар байрами шундай кутиб олинади.

Бугунги ўзбек аёли нафақат суюм-ли уй бекаси, меҳрибон она, жонкуяр опа, сингил, балки мамлакатимиз ҳаётида кўнглидаги улуғвор орзу-ниятларини дадил амалга ошираётган олимпиа, ҳамшира, ўқитувчи, спортчи ва бошқа юзлаб касб соҳибаси сифатида эл-юрт хизматида, иқтисодиётнинг турли соҳаларини ривожлантиришда фаол иштирок этмоқда.

Юртбошимиз «Халқимизнинг буюқ тарихида ўзининг жасорат ва матонати, ақл-заковати, нафосат ва назокати билан ўчмас ном қолдирган Тўмарис, Бибиҳоним, Гулбаданбегим, Зебуннисо, Нодира, Увайсий, Анбар отин ва бошқа

юзлаб аёлларимизни ҳамиша эҳтиром билан тилга оламиз. Улуғ момоларимизга хос бўлган олижаноб фазилатлар бугун ҳам муҳтарам аёлларимиз сиймосида давом этиб келмоқда», деганларида жаҳон маданияти тамаддунига муносиб хисса қўшган улуғ момоларимизни ёшларимизга намуна қилиб кўрсатишни назарда тутган эдилар.


Албатта, замондош аёлларимизнинг қалбу қиёфаси, ҳаётимизда тугган мавқеи олис тарихимиз, суронли даврлар шамолларида сайқалланган: Тўмарис жасорати, теурийи маликалар ибрати, Бибиҳоним донолиги, қолаверса, халқимизнинг эртақ-афсоналаридаги меҳрибон она, тадбиркор рафика, доно қиз, бири биридан гўзал опа-сингиллар ҳақидаги эзгу тилақлар, «Алпоммиш» достонидagi Барчин ёки севимли китобларимиздаги ўзбек олим, Кумуш, Раъно каби миллий тимсолларнинг ўзига

хос фазилатлари жамул-жамида ўзбек аёлининг сиймоси намоён бўлиб, бу сиймонинг ҳаётбахш нафаси бугунги фазилат кўнларимизга ҳам маъно-моҳият бағишлайди.

Бизнинг момоларга дунёнинг бошқа юртларидаги аёллар ҳайрату ҳавас билан қарашлари-да бор гап. Таниқли инглиз адабиёти Маргарет Румер Годен «Гулбадан» (Захириддин Муҳаммад Бобурнинг қизи малика Гулбадан бегим шахсига чизгилар) номли рисоласида «Жаҳон тарихидаги энг буюқ салтанатлардан бўлмиш Бобурийлар салтанатининг зебо ва оқила вақиласи, катта ақл-идрок ва ноёб истеъдод эгаси Гулбадан бегим» дея эътироф этиб, маликанинг тарихда абадий ном қолдирганини таъкидлайди.

Замондош аёлларимиз ҳам халқаро миқёсларда илмий салоҳиятларини намоён қилмоқдалар. Жумладан, Швейцариянинг «СИДО» илмий тадқиқот ишлари бўйича эксперт кенгашига табиий фанлар йўналишида беш нафар ва гуманитар йўналишда икки нафар ўзбекистонлик фан докторлари аъзо мақомида қабул қилинди. ЮНЕСКО хузурида ташкил қилинган «Файласуф аёллар» тармоғида Ўзбекистондан ўн уч нафар фан доктори фаолияти олиб бормоқда. Бу далилларнинг барчаси бизга мамнуният бағишлайди.

Давоми иккинчи саҳифада.



Ёшлик суртури

Саввад МАМБЕТОВ олган сурат.

ҲАЁТ ОПАМ МЕНИНГ, ҲАЁТ СИНГЛИМДИР

Одам қадри баланд, ҳаёт ганимат, Одам ҳам бир неъмат, ҳаёт ҳам неъмат. Дунёда ҳаётдан қиммат нарса йўқ, Нарса йўқ одамнинг жонидан қиммат.

Ҳаёт опам менинг, ҳаёт синглимдир, Ҳаёт ака-укам, ҳаёт кўнглимдир. Онамни ёдласам, қайтадир ҳаёт, Боламини асрасам, бўлгум барҳаёт.

Одамни одамга қўшар муҳаббат, Қалбда меҳр бўлса, жўшар муҳаббат. Севиб ардоқласа одамни одам, Неча асрлардан ошар муҳаббат.

Ҳаётда бўлмайлик, майли қаҳрамон, Биз меҳрибон бўлсак, ҳаёт меҳрибон. Меҳрибонлик асли қаҳрамонликдир, Ёнингда меҳрибон бўлмаса ёмон.

Қадрдон акажон, сизни соғиндим, Меҳрибон опажон, сизни соғиндим.

Сафимиз кам бўлиб, жигарлар кетди, Аслида, онажон, сизни соғиндим.

Ота бўлинг энди менга, акажон! Она бўлинг энди менга, опажон! Ҳаёт ганиматдир, умр омонат, Фидо бўлай ўзим сенга, укажон!

Азиз қондошларим, меҳр кўздандир, Меҳр улашувчи сеҳр кўздандир. Юксак одамийлик қадри аслида Ҳурмат-иззат билан ширин сўздандир.

Мол-давлат топилмай, одам топилмас, Одам жафо кўрса, шўх дам топилмас. Одамлик қадрини йўқотса одам, Йўқлаб келувчи бир қадам топилмас.

Одам қадри баланд, ҳаёт ганимат, Одам ҳам бир неъмат, ҳаёт ҳам неъмат. Дунёда ҳаётдан қиммат нарса йўқ, Нарса йўқ одамнинг жонидан қиммат.

Мавсума МАНСУРОВА, ўқитувчи

САЙЛОВЧИЛАР УЧУН БАРЧА ШАРОИТ ЯРАТИЛГАН

Ўзбекистон Республикаси Президенти сайловини ўтказувчи сайлов участкаларида ушбу муҳим сиёсий-ижтимоий тадбирга пухта тайёргарлик кўрилмоқда.

Пойтахтимизнинг Яккасарой туманида жойлашган 629-сайлов участкасида ҳам сайловга ҳозирлик ишлари қизгин паллада.

— Миллий қонунчилигимизга мувофиқ участка сайлов комиссияси аъзоларига обрў-этиборли, эл ҳурмати кезонган ва сайлов қонунчилигидан хабардор партиясиз фуқаролар танлаб олинди, — дейди мазкур участка сайлов комиссияси раиси Раъно Носирова. — Улар ҳудудда яшовчи фуқароларни сайловга оид қонунлар мазмун-моҳияти, сайловни ўтказиш тартиби ва бошқа меъёрлар билан таништирмоқда. Шу билан бирга, бу ерга келганлар кундалик матбуот нашрлари билан танишиб, ўзларини қизиқтирган саволларга жавоб олмақда.

Ҳудудда яшовчи сайловчилар рўйхати тўлиқ шакллантирилиб, участка сайлов комиссияси раиси ва котиби томонидан имзоланди. Ушбу рўйхатга сайлов кунига қадар ёки сайлов кунини 18 ёшга туладиган, рўйхат тузилган вақтда ушбу сайлов участкаси ҳудудида доимий ва вақтинчалик истиқомат қилаётган Ўзбекистон Республикасининг барча фуқаролари киритилди. Рўйхатга асосан сайлов кунини ушбу участкада Шота Руставели кўчаси ва Қўшбеги мавзесида истиқомат қилувчи 3199 фуқаро ўз конституциявий ҳуқуқидан фойдаланиб, юртимиз тараққиёти ва обод келажгимиз учун овоз беради.

Сайлов участкасида ташкил этилган оналар ва болалар, тиббиёт хоналари сайловга оид қонунчиликда белгиланган

талабларга мувофиқ жиҳозланган. — Тиббиёт хонаси сайлов кунини эрта тонгдан овоз берувчилар хизматида бўлади, — дейди ҳамшира Лола Абдуминова. — Хонанинг замонавий усулда жиҳозлангани сайлов жараёнида эҳтиёж сезилган ёши улуғ сайловчиларга тезкор, сифатли бирламчи тиббий хизмат кўрсатишда қўл келади.

Сайловни халқаро стандартларга мувофиқ ўтказиш учун бундай шароитларнинг яратилаётгани демократик ислохотларни янада чуқурлаштириш, кучли фуқаролик жамияти барпо этишда муҳим омили бўлмоқда.

— 29 март кунини бўладиган Ўзбекистон Республикаси Президенти сайлови фуқаролардан ўз конституциявий бурчини сийқидилдан бажаришни, ижтимоий-сиёсий фаолликни талаб қилади, — дейди «Қўшбеги» маҳалла фуқаролар йиғини раиси Ҳакимжон Умиров. — Худудимизда рўйхатга олинган сайловчиларнинг овоз бериши учун зарур шароит яратишда участка сайлов комиссияси аъзоларига маҳалламиз фаоллари яқиндан кўмаклашаётим.

Дилшод КАРИМОВ, ўза муҳбири

Ўзбекистон Ёзувчилар уюшмасида

Ўзбекистон Ёзувчилар уюшмасида 2014 йил якунлари ва жорий йил режаларига бағишланган йиллик ҳисобот йиғилиши бўлиб ўтди. Уюшма раиси, Халқ ёзувчиси Муҳаммад

ҲИСОБОТ ЙИҒИЛИШИ

Али 2014 йилда амалга оширилган ишлар ва ижод аҳлига берилган эътибор ҳусусида сўзлади. Хусусан, ўтган йили Ўзбекистон халқ шоири Муҳаммад Юсуф таваллудининг 60 йиллигига бағишланган тадбирлар мамлакат миқёсида ўтказилди. Шоирнинг «Сайланма»си, «Муҳаммад Юсуф замондошлари хотирасида» китоби нашрдан чиқди, Туркистон саройида ижодий кеча ўтказилди.

Ёзувчилар уюшмасида кутубхона фаолияти тубдан яхшиланган, «Ижод» китоб дўкони очилди. Пиримқул Қодиров, Улмас Умарбеков, Тўра

Сулаймон, Охунжон Ҳаким каби атоқли адиб ва шоирларимизнинг таваллуд кунлари кенг нишонланди.

«Ёзувчилар уюшмаси йўлланмаси билан» руқнда уюштирилган ижодий сафарлар давомида вилоятларда олиб борилаётган улкан бунёдкорлик ишлари, юртдошларимизнинг турмуш тарзи, ободлик, фаровонлик ҳақида салмоқли публицистик мақолалар ёзилиб, мустақиллигимизнинг

моддий ёрдамлар кўрсатилди. Фаол ва сермахсул уюшма аъзолари Фахрий ёрликлар билан тақдирландилар.

Эллиқалъа, Шаҳрихон, Янгийул туманларида, Термиз, Навоий ва Тошкент шаҳарларида бўлиб ўтган ёш ижодкорларнинг минтақавий «Истеъдод мактаби» семинарларида 152 нафар истеъдодли ёшлар иштирок этди. «Дўрмон» ижод уюшма бўлган республика семинарида иштирок этган ва 25 нафар истеъ-

республика танловида ўндан ортик ижодкор совриндор бўлдилар.

Ёзувчилар уюшмасига қарашли поликлиникада «Соғлом бола йили» муносабати билан болалар бўлими очилиб янги тиббий жиҳозлар билан таъминланди. Дўрмон ижод бўғида ижод қилаётган уюшма аъзолари учун даволаш курслари олиб борилмоқда.

Ёзувчилар уюшмаси Хоразм вилояти бўлими раҳбари Г.Ибодуллоева, Наманган вилояти бўлими раҳбари Ж.Муслим, Ўзбекистонда хизмат кўрсатган маданият ходими Қутлибека Раҳимбоева, таниқли адабиётшунос олим Умарали Норматов, адиб ва драматург Абдуқоҳгор Иброҳимов, Ёзувчилар уюшмаси поликлиникаси бош шифокори А.Ражабов уюшма аъзолари томонидан амалга оширилаётган маънавий-маърифий фаолият ҳусусида фикр юритдилар.

Ҳисобот йиғилишида ёзувчиларимизнинг ўтган йилги ижодий фаолияти муҳокама қилиниб, энг яхши асарлари эътироф этилди. «Кексаларни эъзозлаш йили»га бағишланган режалар белгилаб олинди.

Ахборот хизмати

БИЛДИРИШ

Шу йилнинг 10 март, сешанба кунини соат 15.00да Ўзбекистон Ёзувчилар уюшмаси Мажлислар залида Бадий публицистика кенгашининг йиллик ҳисобот йиғилиши ўтказилади.

11, 13 март чоршанба ва жума кунлари соат 15.00да қозоқ адабиёти ва русийзабон адабиёти кенгашларининг йиллик ҳисобот йиғилишлари ўтказилади.

12 март, пайшанба, соат 15.00да Шеърят кенгашининг йиллик ҳисобот йиғилиши ўтказилади.

Шоир-ёзувчилар, адабиётшунос олимлар, ёш ижодкорлар ва барча қизиққанлар таклиф этилади.

Ўзбекистон Ёзувчилар уюшмаси

